

Walther von der Vogelweide:
Palästinalied (Pieśń palestyńska)

Nu alrest lebe ich mir werde,
sit min sündic ouge siht
daz here lant und ouch die erde,
dem man vil der eren giht.
Mirst geschehen, des ich ie bat,
ich bin komen an die stat,
da got menschlichen trat.

Schoene lant, rich unde here,
swaz ich der noch han gesehen,
so bist duz ir aller ere,
waz ist wunders hie geschehen.
Daz ein maget ein kint gebar,
here ueber aller engel schar,
was daz niht ein wunder gar ?

Me dann hundert tusedt wunder
hie in disem lande sint,
da von ich niht me besunder
kann gesagen als ein kint,
Wen ein teil von unser e,
swem des niht genuoge, der ge,
zuo den juden, die sagent es me.

Hie liez er sich reine toufen,
daz der mensche reine si.
do liez er sich hie verkoufen,
daz wir eigen wurden vri.
Anders waeren wir verlorn.
wol dir sper, cruize unde dorn !
we dir, heiden, daz ist dir zorn.

Do er sich wollte ueber uns erbarmen,
do leit er den grimmen tot,
er vil rich ueber uns vil armen,
daz wir komen zu der not.
Daz in do des niht verdroz,
dast ein wunder alze groz,
aller wunder uebergeno.

Hinnen vuor der sun zer helle,
von dem grabe, da er inne lac.

Do er den tievel do geschande,
daz nie keiser baz gestreit,
do vruor er her wider ze lande.
do huob sich der juden leit,
Daz er herre [ir] huote brach,
und daz man in sit lebendic sach,
den ir hant sluoc unde stach.

Dar nach was er in dem lande
vierzic tage, do fuor er dar,
[dannen] in sin vater sande.
sinen geist, der uns bewar,
den sant er hin wider zehant.
heilic ist daz selbe lant,
sin name, der ist vor got erkant.

In diz lant hat er gesprochen
einen angeslichen tac,
da die witwe wirt gerochen
und der wise clagen mac
und der arme den gewalt
der da wirt an im gestalt:
wol im dort, der hie vergalt.

Unserre lantrehtaere tihten
vristet da niemans klage,
wan er will da zestunt rihten:
so ist ez an dem lesten tage.
Und swer deheine schulde hie lat
unverebent, wie der stat
dort, da er pfant noch bueregen hat.

Ir lat iuch nit verdriezen,
daz ich noch gesprochen han.
so will ich die rede entsliezen
kurzwilen und iuch wizen lan,
swaz got [wunders hie noch lie],
mit dem menschen e begie,
daz huob sich dort und endet hie.

Cristen, juden unde heiden
jehent, daz diz ir erbe si.

des was ie der vater geselle,
und der geist, den nieman mac
Sunder gescheiden, dest al ein,
sleht unde ebener [danne] ein zein,
alse er Abraham erschein.

got sol uns ze reht bescheiden
dur die sine namen dri.
Al diu welt, diu stritet her:
wir sin an der rehten ger,
reht ist, daz er uns gewer.

Vrowe min, durch iuwer güete
nu vernemet mine clage,
daz ir durch iuwer hochgemüete
nicht erzuernet, waz ich sage.
Vil lihte daz ein tumber man
misseredet, als er wol kann.
daran solt ir iuch nicht keren an.